

集部

欽定四庫全書集部

少墟集卷一

詳校官监察御史日曹錫實

侍讀臣孫球覆勘

校對官中書臣 總校官檢討 日 腾録監生 汪大梓 李斯味 何思鈞


欠己日日 公上了 欽定四庫全書 馮少墟集 提要 後至天啟辛酉作類序重刻自卷一至卷十 萬歷壬子此本乃其次子嘉年益以癸丑以 從吾有元儒考略己著録其文集初刻止于 臣等謹案馬少墟集二十二卷明馬從吾撰 二旨語録卷十三至卷十八皆詩文卷十九 馬少爐集 集部六 别集類五明

金岁也、月白量 争論首善書院講學一疏稱宋之不兢以禁 講學故非以講學故也先臣守仁當兵事位 學之作主於明理論事之作主于達意不復 至卷二十為族譜家乗卷二十一至卷二十 間涉俚俗固不以弇西識也惟其與朱童蒙 以辭采為工然有物之言寫實切明雖字句 二為關學編益生平著作量于此集其中講 不廢講學卒成大功此臣之所以不恤毀 提要

夜足口上 白馬 職司呼朋引類使其中為君子者授人以攻 抬百司執事環坐而該心性哉無故而舍其 從吾又上疏力争稱京師講學昔己有之云 整而為此也又郭元厚郭與治等劾鄒元標 聚而講也維古極威之治有鼻變稷契亦越 聖賢大義不思不知顧實踐何如耳不在乎 云其說頗為固執夫士大夫自甲科通籍於 小康之世有房杜王魏韓范富歐陽亦何當 為少据集

金グビルる言 寧宗慶元二年八月弛于嘉泰二年二月中 擊之間為小人者借此為攀附之途黨禍之 並從祀孔子廟庭紫陽東萊之流並邀褒贈 問不過六七年耳至於寶慶以後周程張部 理宗得該為理實由於是蓋道學大威者四 不競由禁講學尤為奉合考宋之黨禁始于 與未必非賢者開門而揖盗也至於謂宋之 五十年而宋乃亡馬史傅具存可以覆按安

欠こりる \...j 為御史拒絕閥人劾罷胡汝寧禁大計苞苴 得以德祐之禍歸咎於慶元之禁乎從吾初 者無感馬乾隆四十七年二月恭校上 疏意雖善而未計其流弊故附糾其失俾來 三案亦特正不阿卓然不愧為名臣惟此兩 又上疏諫神宗不親政事幾遘危禍後廷議 為少姓集 總 總管察官臣紀的臣陸錫熊臣孫士毅 校 官 臣陸 Ξ 貲



理極客萬世道學之宗統於是矣後世學者沒失其宗 心學之傳始自虞廷而其言曰人心惟危道心惟微惟 欽定四庫全書 ていしつ こと という 少墟集卷 光執殿中十六字言本體辨析至精言工夫條 少级集 IJ. 馮從吾 撰

辨學録讀之直指心之理為道心以心之覺為人心道 於率天下之人恐情縱欲流於小人之無忌憚而猶自 善為心體以天生蒸民本有之性悉掃而空之其獎至 所覺之理言道其言盖淫於佛氏空覺極 圆之說以無 不知中之所在而极以心當之於是以覺言道而不以 學精有歲年精一之功入於無問近得其所與諸門人 以為無礙也聖學之養蕪可勝脫哉少墟馮公潛心理 心非無覺以覺之正當處言也為書八十一章闡性命

部只四库在書

とこの国公か 盡之矣善即理也即道也即中也精乎此謂之惟精 乎此謂之惟一執乎此謂之執中以之為君謂之仁 以 善為總是一箇為非善與利之間復有無善之善嗚呼 至善思曰明善孟曰性善又曰擎奪為善善總是一箇 氏之古只在無善二字又口儒學只有一箇善字直從 之秘辨似是之非如所云吾儒之肯只在善之一字佛 之為臣謂之敬以之為子謂之孝以之為父謂之愈以 源頭說到完竟更無兩樣故易曰繼善顏曰一善曾曰 少塩集

而 之交朋友謂之信以之視聽言動謂之禮以之臨大節 與不敏與少墟共祭此學於十餘年之前已亥以後不 輒為道破吾儒之家質始復其舊佛氏之流與始塞其 更無餘蘊矣少墟辨析於毫髮之間凡世儒所易惑處 源虞廷心法於是乎晓然復明於天下矣其功不亦儒 與講求切磋以教天下萬世只此一脉以維持宇宙 不奪謂之節皆理也道也中也此吾儒之正傳孔孟 聞者幾十年而少墟完理愈深辨學愈哲頃者不敏

動分

四月石書

卷

當也所以相期於必至之域固有不言而信者矣若夫 章涂宗濬書 巡撫延綏等處地方贊理軍務都察院右僉都御史豫 十五年歳在丁未春仲之吉賜進士第中憲大夫欽差 所共服也篤實輝光之應豈偶然哉豈偶然哉萬思三 王文成揭良知之學新天下耳目其論自正而其徒賢 少墟立朝大節居鄉儒行卓然於一時固薦紳士大夫 撫榆陽得以所學知止一宗遠求印正少墟以為有

7/2. 10 mm /1.4.17

少雅集

言仲好之學又似專以正心立教者非也身外無心心 好辨學録凡八十一章其首章云聖賢學問總在心上 聚訟矣不倭竊謂道本一貫求之言語文字則支離蔓 知之過者浸淫窟入于禪今且百年而弊滋甚于是格 用功不然即終日擎擎屬枝葉耳所以辨心學甚詳或 延愈益晦塞夫格物致知脩身何可偏廢也長安馮仲 物脩身兩家之說復起或矯枉救失或標宗分門紛若 外無意知物道一而已惟以言語文字自為一家而後

多分世月百十

次正可且在時 此與仲好談者張孝廉心虞傳其録者張右丞憲周仲 切之所在而剖決挽回之故曰予豈好辨哉予不得已 以是時淫辭邪說熒惑天下欲正人心必就其敬錮關 子多言仁而孟子母言義彼願學孔子者豈顧倍之要 **泱嫌疑使大道不迷於他岐則脩身正心誠意致知格** 東言清亂聽其說可喜而數其實則垂仲好為 析是非 一不佞未見仲好全録而弟據前數章所論辨意當如 以貫之矣昔孔子論性相近而孟子獨稱性善孔 少城集

録而知仲好所辨在儒學釋學其論極為精微也釋 見才數章皆論心語倚馬成草姑以塞諾耳久之得全 余自泰入晋張右丞以馮仲好辨學録與余序之余所 明蓋自得之見不易之論合而觀之知學不可無辨 好有訂士編善利圖說士戒關學編諸書與此互相發 入中國所傳經語義循淺其後乃有禪或不立文字净 不可無錄録不可無傳矣 タデノロア とろ

之謂性孟子辨之不遺餘力世無孟子而釋氏以告子 之說簧鼓天下論性日在目為見在耳為聽在口為議 也而口仁内義外非不言性而曰猶把柳猶湍水曰生 而曰不得于言勿求諸心惻隱之心仁也羞惡之心義 者其源皆自不辨心性始吾儒曰盡心知性釋亦曰明 心見性若相同而實相遠蓋本之告子告子非不言心 看經念佛無事省緣静坐體究所謂彌近理而大亂真 知妙圓體自空寂或以不思善不思惡本來面目或不

次已日軍人馬

少墟集

論在手能持在足能運又曰衆生皆有佛性啜人之獸 金分世四百十 法起滅天地朱子惜其明心而曾不得心為之用見性 即汝真性曰禪學悟入乃是心思路絕天理盡見曰心 理之性以惟危之人心為心而非惟微之道心也人之 而曾不得性為之用則以知覺運動之性為性而非義 其學術視岳儒本原岩緇素然又安往而不認哉吾儒 可為瞿夷比丘十千之魚盡為忉利天子曰離一切心 以具于禽獸者幾布耳心性一謬人與禽獸何殊

萬物皆備于我而釋惡外物吾儒循理心虛而理實而 **奇 号 龍之士 墮 其雲霧中于是攘莊列之言以佐其 髙** 釋以理為障吾儒學不躐等而釋病其迁一超直上好 無限罪惡而遷謫時刻地說禪者有謂識透即罪惡都 禍始烈有謂盜賊念佛免罪為聖人大改過者有謂造 不及者入之而諸其恠幻鄙俚之談如朱紫陽所云而 如宋景文所云抑自覺其随而更出己意益求前人所

大田田田

少堰集

無者禪自禪罪惡自罪惡是禪學且為亂賊三窟矣愚

盡衆生方了菩提衆生度盡又惡用世界為也背爲湖 有舍喜怒哀樂未發之中而談無善無惡心之體又曰 不肖者復感於輪廻因果之說而皈依之而彼且曰度 雲門過孔子上嚴然為釋傳法沙門建幡告四遠則逢 無求同異于儒釋求其是者而學馬可矣無求是非於 之學墮于禪朱子辨之不啻孟子之於告子至今日乃 紫殺弄者也左右来獲自負集儒釋大成而所崇信惟 講說求諸心而安馬是矣遂使儒門頓有三釋以雪峰

延片四月百言

赵

是以下學上達為二學也曰儒釋本同而末其是以物 者亦有之日釋見聖人之上一截儒得聖人之下一截 有本末為二物也無為貴辨矣仲好直窮其本之不同 學之不明起于心性之不明而仲好之所為力辨也辨 詩禮發冢之盜恐東方明者也凡此皆起于學之不明 而其學之不可以達明鏡之照利斧之斷隻夷藴崇之 既得欛柄入手開導之際改頭換面隨宜說法則養夜 釋則游說反間渠成而利泰者也陰宗其指陽避其名 **▶**少虚

少墟先生生而善病弱不好弄南就外傅即鋭然志於 三年自是洞然於性命之學古人學問多從病中生也 吾鄉先正道林先生少嬰羸疾入山習静不言點識者 得以好辨疑仲好也大沁山人李維楨本寧父 今得仲好奶 異之幸甚猶恨無奶 異仲好其人者而何 朱其詳具遺書語録文集中而本朝惟羅文莊因知記 風設有數孟子無如之何故宋時辨釋學者惟周程張 加蔓草何以過兹明道先生言會者大率談禪天下成 宗仙家自有仙家宗古佛氏自為佛氏宗古與吾儒全 生獨辨其宗吉不同如薰猶冰炭之不相入余害撮舉 所未發也陽明先生謂釋氏與吾儒只是書鐘之隔先 室所著疑思録學會約善利圖說多先生病言而辨學 聖學先後從敬養魯源兩先生遊及官中私柱史未當 日輟講歸而卧病開開九年精思力踐遂入聖人之 二如日吾儒之學以理為宗佛氏之學以了死生為 書尤先生静中妙悟見儒釋所以分別處皆昔賢 少城集

時莫知其鄉僅僅十四字解人心惟危道心惟微曲盡 先生獨得之見千言萬語惟恐學者墮入器獲陷弃之 兼二氏而後見其大邪固不能兼正正豈可以兼邪 其妙曰佛自佛儒自儒不混而為一曰吾道本大何必 在而行彼真空妙有把柄何在如以飄飄不緊之舟試 命之以善善何曾有聲有臭口操則存舍則亡出入 蓋吾儒之道如波江河之有維楫揚帆鼓枕中流自 相干口吾儒論學只有一箇善字口天命之性就是 無

學之鄉愧不聞道賴先生時時教之若將與起馬者為 火色日日白 妄級數語以志依歸之意若先生微言妙論余固不足 錯用其心先生過人遠矣余生於醫齊道林二先生理 應事接物如執王如捧盈此心未當一刻放下先生有 以知之也武陵後學楊鶴頓首書 主之學於是可見昔橫渠學凡數變陽明亦悔二十 先生清明在躬志氣如神然終日正襟危坐儼乎若思 於黑風白浪何嗟及矣此先生惨惨欲人求之實地也 少城集

學彌遠彌行彌差矣七已秋鳳朔張心虞孝廉訪余山 是矣猶必明辨云者謂不如此譬之適越而北其報彌 異端之辨或亦可以俟後聖于不惑耳夫以余之閣汶 學秋凉夜静語話偏長別後因録其相與發明者得以 孔子口有弗辨辨之弗明弗指也夫學問思行學已財 蛋分四四百言 房而二三門人間心虞至亦多朝夕過從共談心性之 曾何足與聞斯道而一得之愚得之朋友講習者為多 章雖下學上達之古不敢謂得一貫真傳而吾儒 卷一

聖賢之學心學也然心亦有不可不辨者故曰人心惟 屬杖業 自古聖賢學問總只在心上用功不然即終日擎孳 辨學録長安馮從吾識 非有心弗措辨至此雖欲措馬不能也于是題其篇曰 是益信明辨之功其益果大而曩所稱弗明弗措原 右一章 辨學録

火心可見自由

少堆集

危道心惟微惟精惟一允執厥中若不辨人心道心而 近傳矣 第曰只在心上用功則過周法界之說當與精一執中 言矩便言仁此道心之說也言心便言用此精一之説 其心三月不違仁其警人曰無所用心難矣哉言心便 孔門不輕言心其自啟口從心所欲不踰矩其稱回口 以道心為主則心有所用而不落于空人心悉化為 右二章

蛋好四周百量

亡此正孟子得統于孔子處若言心不言理義則本體 謂理也義也論心之工夫歸之操存故曰操則存舍則 孟子論心之本體歸之理義故曰心之所同然者何也 此心了不可得而左袒人心者得借口矣 以數言心哉不然舍知言心含仁言心又舎用言心則 道心即心即矩即仁即心是言仁即所以言心也又何 右三章

灰至可草全生

少姓集

沙于虚言理義不言操存則工夫流於泛便非孔門樣

覺的是天理便是道心知覺的是人欲便是人心非 覺非吾儒先知先覺之覺也覺之一字亦不可不辨 RP 惨論仁之音 右四章 心至虚眾理咸備去過理說心便是人心惟危之心 知覺為天理為道心也若丟過理字説心說知覺便 クロルノニ 有知覺是告子知覺運動之覺佛氏圓覺大覺之

虚明萬理具足外面理會者即是裏面本來有的陸象 程子曰理與心一而人不能會之為一朱晦弱曰此心 右五章

日此心同也此理同也薛文清亦曰心所具之理為太

山口人心至靈此理至明人皆有是心心皆具是理又

此理自是實自來吾儒論心都不曽丢過理字若丢過 理便是一刻的聖人終身純乎天理便是終身的聖 極心之動静為陰陽而王陽明亦曰人心一刻純乎天

大江山南

少堆集

此し 金岁世屋 台章 理字可以言心則先儒之說皆誣而象山心皆具是理 理同也二句皆剩語矣 卷一:

問心可有乎曰不可有問心可無乎曰不可無或又問 右六章

心可有乎口可有心可無乎口可無或者未達口人心 可有乎口不可有道心可無乎曰不可無道心可有乎

或者憮然曰而今而後始知心果具是理而堯舜其心 曰可有人心可無乎曰可無曰如此則又何未達之有

之非 次足四華全馬 之不可不一故曰惟一 是道心異端之所謂無心無的是道心吾儒之所謂無 雜矣故口允執厥中必如此方不墮世俗之弊流異端 心無的是人心這等去處辨之不可不精故日惟精守 世俗之所謂有心有的是人心吾儒之所謂有心有的 果至今在也 右七章 少城集 則純是道心無復有人心之

問私心私也有求公之心亦私也何如曰有求公之心 便是公如何説亦是私 楊龜山曰六經不言無心惟佛氏言之有人說無心伊 不可不無者也 干古名言程門之所謂私心即虞廷之所謂人心也 此 タグルガ どうて 右九章 右八章 曰說無心便不是只當說無私心無私心三字可為

人心一 とこうしんに 心為何心可耳 之心不可有喻義之心不可無均為也為惡之心不可 可見人心原一縣說不得有無只當論其所有所無之 心不可無均憂也憂貧之心不可有憂道之心不可無 有為善之心不可無均報也報怨之心不可有報德之 右十一章 右十章 緊 說不得有亦一縣說不得無如均喻也喻利 少姓集

以為不可有如此為言雖中人亦知其非彼又恐人之 喻利乎為善之心且不可有况為惡乎夫喻利之心為 惡之心固不可有喻義之心為善之心豈可無而彼亦 儒曰為惡之心不可有異端曰為善之心不可有或詰 吾儒曰喻利之心不可有異端曰喻義之心不可有吾 非之也復倡為一切總歸于無心之說以為人之心體 之日喻義之心不可有喻利之心可有乎為善之心不 可有為惡之心可有乎彼則口喻義之心且不可有况

多厅匹库全書

義原非外性原是善心之本體原是有善無惡的可見 高明亦其知其非矣不知說至此正是發明喻義之心 以有喻義為善之心而後為合本體也今欲一切總歸 本空無利無義無善無惡者其本體也必也無喻利心 不可有為善之心不可有處奈何不察而誤信之邪且 無無為善心一切總歸于無心方合本體耳說至此雖 併無喻義心併無無喻義心無為惡心併無為善心併

次已可具**公**島

少城集

于無心安在其為合本體邪况人心易放而難收儘去

蛋为四月 百量 之心以不可無縱是喻之又喻以至于化為之又為以 必不可無性原是善特自有其善之心不可有而為善 大抵義原非外特自有其義之心不可有而喻義之心 惡豈有無義無利無善無惡一切總歸于無心之理乎 兩途人心原無二用出于義即入于利出于善即入于 體之界不小也又安在其為合本體羽又况義利只有 喻義猶恐喻利儘去為善猶恐為惡令欲一切總歸干 無心獨恐義無而利未必無善無而惡未必無反為本

灰足四年全書 人 心不可有今日喻義之心不可有為善之心不可有此 問天命之性無聲無臭原着不得善字曰天命之性就 孔子所謂小人而無忌憚者之言不待辨而知其非者 而無聲臭之可疑亦說不得喻義之心不可有為善之 心而至于化有為善之心而至于忘有喻義為善之心 至于忘造到上天之載無聲無具處只好說有喻義之 右十二章 少城集

耶 是命之以善何消看故曰性善孟子道性善正直指天 間形形色色萬紫千紅無一不胚胎完具于其內故曰 子グロレノニー 天命之謂性此自是實在道理原不落空若曰天命之 天命之性如一陽來復造化生意雖未宣洩而凡宇宙 命之初而言耳又問無聲無具何也曰善曾有聲有臭 右十三章 渺渺冥冥一切俱無如此不知天命的是箇甚麼便 卷

大三丁戶 ·二丁 落于衆人可見道理本自明白特人不察耳 適英心既有適莫心而又無比義心此異端之學依舊 之說恰似萬于吾儒不知心無二用一無比義心便有 無適其心而有比義心者君子也有適其心而無比義 心者衆人也無適莫心而併無比義心者異端也異端 于天命二字說不去矣 右十五章 右十四章 少塘伴

善無惡全說不得有矣異端無心之說蓋指本體也似 讓之心非人也無是非之心非人也日無曰非何等 孟子曰無惻隱之心非人也無羞惡之心非人也無辭 白又曰惻隱之心人皆有之羞惡之心人皆有之辭讓 亦有理曰不然論工夫心原一 心人皆有之是非之心人皆有之惻隱之心仁也羞 不有者不可不無者若論本體則全說不得無矣故 **縣說不得有無此是論工夫者論本體 柴說不得有無還有不** 則無

金月四月全書

善指繼善之初不對惡而言也惡如彗字妖須善如景 善有無善之善之說者問善之善對惡而言也無善之 誤矣 大己可見 台書 問近日學者亦知無善無惡之說之誤又講起有善之 白而日本體無善無惡異端無心之說專指本體而言 非由外鐮我也我固有之也曰皆有曰固有又何等明 右十六章 少墟集

惡之心義也辭讓之心禮也是非之心知也仁義禮知

星柳雲無善之善如太虚惡如木石屑善如金玉屑無 金月四月 有言 無善之說而又不敢抹搬吾儒善字于是不得已又有 善之善如目中不容一屑何如曰吾儒之音只在善之 玉屑而言也善字就是太虚非太虚為無善之善也乃 無善之善之說耳不知吾儒之所謂善就指太虚本體 者其情則可以為善矣乃所謂善也由可以為善之善 而言就指目中之不容一屑而言非專指景星卿雲金 字佛氏之古却在無善二字近日學者既感于佛氏

以為善之善乃與惡對之善乃所謂善之善乃無善之 才見得乃所謂善之善兩箇善字原只是一箇豈有可

善之理哉 右十七章

可有的彼無善無惡之說有無善之善之說或亦未可

盡非也口有其善喪厥善有意為善雖善亦私是謂工

夫不可自有其善不可有意為善耳非謂善不可有亦

たとりはいます 少墟集

問有其善喪厥善有意為善雖善亦私可見善原是不

非問本體無善無惡善有善之善有無善之善也 金月四月 有言

窮如有詩文者以詩文自萬有功名者以功名自萬有 有意為善有字之病非得已也曰有之一字病痛誠無 問無善無惡有無善之善之說彼欲以無字藥有其善 右十八章

氣節者又以氣節自髙傲世凌物令人難近或以為名

之心為善或以為利之心為善或又以以善服人之心

為善假公濟私令人難測如此是皆有其善有意為善

V. 1-1-1 1.11 為無善以樂人之病夫醫先自誤也其如樂人何 益助其病而速之亡乎且心之本體原有善無惡而誤 名 山下出泉本源原清漸流漸遠有清有濁謂有濁而清 善便不是為善故曰雖善亦私至于喪至于私則善于 何有如此是其病正在無善也而又誤以無藥無豈不 **病不知一** 1始立則可謂流之清對濁而言則可謂水之源無清 右十九章 有其善便不是善故曰喪厥善一有意為 ŀ Ī

泉本源原清澄濁求清非義外也慈湖之說是徒知山 是徒知漸流漸遠有清有濁未當不是而不知山下出 清者勿使之濁濁者復澄之清此學之說也三品之說 山下出泉本源原清此性之說也漸流漸速有清有濁 **動定匹庫全書 | ▼ / -**之善之就是非不待辨而決矣 則不可知此則本體無善無惡之說有善之善有無善 無濁則不可謂流之清為清之清源之清為無清之清 右二十章

學為揠苗學果何日而明哉 或惡而既以學為義外知本體者信心之即道而又以 有中國必有外國有君子必有小人至于天人理欲公 天地問道理有奇便有偶如有陽必有陰有畫必有夜 有濁則澄濁求清非揠苗也嗚呼不知本體者疑性之 私善惡之類皆是若不扶陽抑陰不尊中國攘外患不 右二十一章 出泉本源原清亦未嘗不是而不知漸流漸遠有清

大三日年在四 國

少城集

辛

道字占得地步堯千古大聖人也稱之原非譽而曰譽 金分世是百言 與其譽堯而非殊不如兩忘而化其道譽字下得有毒 非祭不如兩忘而化其道此大亂之道也 無外無君子無小人無理無欲無無亦無與其譽堯而 進君子退小人不存天理過人欲而曰無陰無陽無內 自己占地步其如害道何孔子祖述堯舜孟子言必稱 令人不敢開口矣故曰毒堯殊兩忘原非道而曰道雖 右二十二章 卷一

大心可唱 台書 靖國病正坐此不知以君子小人參用為中中宣如是 如是耶後世以君子小人參用為大公至正而曰建中 相忘而化其道今曰不心堯之是而禁之非則是舜疏 吞儒之所謂道正指其可道者而名之也而異端則曰 耶道字中字不明關係不小不可不辨 不分善利不辨令人何所法戒何所適從而口道道豈 **堯舜使人人以堯為法以祭為戒才是人公至正才是** 右二十三章 少墟集 <u>=</u>

道可道非常道是明以不可道者為道矣又曰上徳不 無也 矣 善者為有善之善惡者為無善之善君子絀而小人 **徳是以有徳是明以不徳為徳矣無善之善其說蓋本** 無無亦無之說人爭談之不知使人心而果能無無亦 此嗚呼以不可道為道以不德為德以無善為善則 右二十四章)在吾儒固非中道在異端猶成一家不知人心原

金月四月 百言

大臣日臣合野 **欲而使之長也豈能無無亦無哉** 私心無一分善心便有一分惡心公私理欲原相為勝 自信其無有者又不覺其有一不覺其有雖流禍至于 不知公心一無私心便有善心一無惡心便有無者真 負原不容並立原無一切俱無之理令却欲無無亦無 是活的心之神明原不可測如無一 右二十五章 可救藥而亦不自覺矣是無無亦無之說徒陰縱私 少墟集 分公心便有一 1

金罗巴尼白言 空則題點自息主新在室則僕隸自馴若懲題題而併 有心于功名 君子無心于功名却有心于斯世小人無心于斯世却 愈 搶太陽懲僕隸而併逐主新吾懼其魍點愈熾而僕隸 之物自無矣以理為主則欲之物自無矣譬如太陽當 人心最不可有物人心又最不可無主以公為主則私 右二十六章 縱横也是誰之過與孔子口尚志于仁矣無惡也

主之說也 子曰先立乎其大者則小者不能奪也此人心不可無 右二十七章

吾儒論學只有一箇善字直從源頭說到完竟更無兩

樣故易口繼善顏曰一善曾曰至善思曰明善孟曰性

善又曰挛挛為善善總只是一箇善為總只是一箇為

理却無兩樣故孔子曰道二仁與不仁而已矣今曰有 非善與利之間復有箇無善之善也功夫雖有生熟道

大江口百七十二

少爐集

意為無所為利而行之勉強而行之為有意為有所為 為善以以善服人之心為善之類非以安而行之為無 箇無善之善在矣有是理哉 為善之善為其對利而言之善也而善與利之間復有 有意為善有所為而為如以為利之心為善為名之心 善之善對惡而言有無善之善不對惡而言則是孳孳 也今人見人孳孳為善而縣口有意縣口有所為則阻 をプロルとう 右二十八章

にこうういい 此說而預防之者奇矣奇矣 善之善兩箇善之理古之聖賢若預知後世之必有為 齊而勿失可見善原只是一箇善豈有有有善之善 無 書曰善無常主協于克一孔子稱回曰得一善拳拳服 異端之說陽欲高出吾儒陰實左袒世俗此所以嗜好 人為善之路矣 右三十章 右二十九章 少墟集

弘 戶四月 全書 伸其辨彼世俗之人聞此言於然得借以非人益於 喻義為善心欲非之而無其辭令一旦倡為喻義之心 者多且世俗之人有明白好利忘義者亦有內好利 類未易枚舉總只是左袒世俗此所以學具端者多好 得借以自便如此豈有不嗜好之理彼其說誠有以陰 外假仁義者這等人自己不喻義為善而又忌他人之 其心故也其他如聖人不仁伯夷死名一切無礙之 可有為善之心不可有而又極稱無無亦無之說以 而

易曰易有太極又曰無思無為若曰這箇太極乃天地 利敗名非其人廿于不肖亦其說自誤之耳 右三十一章

生蒸民有物有則又曰上天之載無聲無臭若曰這箇 而第口無思無為不知無思無為的是箇何物詩曰天 問自然的道理故曰無思無為若不說出箇易有太極

物則乃天地間自然的道理故曰無聲無臭若說不出

たこう見いい 箇有物有則而第曰無聲無臭不知無聲無臭的又是 少爐集 千六









箇 則 聲無臭亦不曾說出物則何也曰中庸雖不曾說出物 医另四月 百言 過徳丢過敬信為恭而直曰無聲無臭有是理乎孔子 枢 思無為丢過物則專講無聲無臭是無思為而併無太 正大道理正大議論與佛氏不同若丢過太極專講無 不知所謂他所謂敬信所謂為者是何物耶若去 頭其實墮于佛氏之見而不自知矣或曰中庸引無 無聲臭而併無物則也有是理乎講的雖是吾儒的 何物夫有太極而無思為有物則而無聲臭乃吾儒 太

たいしまれたけ 能母意必致知而後能無知也必母意而後見其真能 誠意必無知而後見其真能致知也故曰誠無為又曰 為宗而不信誠意令人有餘恨也 則若丟過誠意而專講無意丟過致知而專講無知則 不識不知順帝之則雖無為却有誠雖無知識却有帝 **曰毋意又曰誠意曰無知又曰致知者曰必誠意而後** 自備無之斯闕有不為異可謂干古名言惜乎以無意 亦隨于佛氏之見而不自知矣慈湖曰人性自善衆德 少娃集 7

金公四月五十 吾儒之言曰易有太極是生兩儀而異端之言曰有物 白異學言無而世儒多爭言無以為精微與妙不知精 微與妙處豈專在無之一字哉易有太極敢道這有之 而言異端所謂有物指谷神玄牝而言不可不辨 渾成先天地生恰似一樣不知吾儒所謂太極指實理 字說他不精微與妙不得 右三十二章 右三十三章

更足可華 白馬 和之何也不知使父子無親君臣無義夫婦無別長幻 使契為司徒教以人倫此堯舜首開萬世教學之原而 無序朋友無信是何道理成何世界于此而後知聖人 此五箇有字何等明白而異學 爭言無世儒又從而附 **曰父子有親君臣有義夫婦有別長幼有序朋友有信** 之為慮遠而儒佛之辨不可不嚴也 右三十四章 右三十五章 少姓集

有序有信义何等平易明顯即平即奇即顯即微不雜 無思無為不學不慮恰似精微與妙曰有親有義有別 者也脩道之教脩此者也惟其都是天生來自然有的 恒性在詩為物則天命之性命此者也率性之道率此 五箇有字都是天生來自然有的在易為太極在書為 父子有親君臣有義夫婦有別長幼有序朋友有信這 何假思為故曰無思無為何假學慮故曰不學不慮曰 日用常行內直造先天未畫前此吾儒之所謂有無非

有にプロル とうずに

巷

言也而混佛者亦多喜談之不可不辨昔有一士人問 問無思無為大意曰無思無為何思何慮此吾儒之微 異端之所謂無也 右三十六章

某公無思無為之說者答曰汝目自能視耳自能聽機

來自能喚飯倦來自能眠有思乎有為乎寂然不動感

Carried Like

少墟集

無為便是佛氏之古或問如何是吾儒之肯曰不過就

而遂通何思何慮其人聞其言大悦不知這等講無思

來自能眠更不說論理之可與不可與可眠不可眠 思何慮如此講無思無為便是吾儒之旨此毫釐千里 眠眠自能知節有思乎有為乎寂然不動感而遂通何 聽聽自能聽機來自能與飯與飯自能知味後來自能 某公之言下一轉語耳曰目自能視視自能明耳自能 可聽不可聽有這箇聰的道理只說機來自能與飯俸 可視有這箇明的道理只說耳自能聽更不說論理之 一辨也何也彼只說目自能視更不說論理之可視不

動好四庫全書

揀擇分別取捨于其間哉某公之言未當不是只是丢 理可喚不可喚可眠不可眠知味知節的道理原都是 能眠這箇可視不可視明的道理可聽不可聽聰的道 目雖自能視耳雖自能聽機來雖自能與飯倦來雖自 這箇知味知節的道理者曰一論可不可便是有揀擇 天生來隨耳目口體自然有的宣待思宣待為豈有所 心有分別心有取捨心便是有思有為便不是了不知 一理字空說目能視耳能聽機來能喚飯俸來能眠單

大足日早 台等

少墟焦

這些子遂以此為真性遂把吾儒這箇理字以為出于 **閱運動視聽飲食一切情欲之類原是天生來自然的** 能眼亦無思無為人與物何以辨別而人又何以參三 獸目亦自能視耳亦自能聽機來亦自能食後來亦自 在氣質情欲上說所以為異端所以慢人耳且人之所 原無思無為寂然不動感而遂通何思何慮佛氏窺見 才而稱靈于萬物哉故曰此毫釐千里之辨也且如知 以異于禽獸者幾命全在此理之一字若不論理則禽

蛋分口及 石書

牛不屑噱跳之食之類以提醒世迷見得吾儒這箇理 指點出箇見孺子而怵惕親親骸而額此不忍散練之 為殘生傷性之類不是天生來自然的故孟子不得已 有思有為出于偽如告子以人性為仁義莊子以仁義 多少功夫千言萬語說思說為只是教人思這箇無思 字也是天生來自然的無思無為寂然不動感而遂通 的道理為這箇無為的道理非義外非揠苗非強世也 何思何慮非以人性為仁義而殘生傷性也縱是說出

Carona Citi

少姓集

幾布 言為異端之口實也其不至于援儒入佛推佛附儒者 問 而第口均講無思無為均講何思何慮是以吾儒之微 吾儒指的是理異端指的是欲各人宗吉不同若不察 祭雖甚放肆之人未有不竦然起故者有思乎有為乎 門如見大廣使民如承大祭雖費思為不過思這箇 右三十七章 如何是思其無思為其無為日令人乍見大賓承大

多厅四月全書

錯縱思為到底只成就得一箇五霸假之學問思為愈 其無思為其無為此干古聖學真傳不然起頭一步先 思天下有饒由已饒之也亦只是思這箇無思的道理 已矣人皆可以為堯舜亦只是為這箇無為的道理思 孩提知愛稍長知敬有思乎有為乎堯舜之道孝弟而 溺思拯有思乎有為乎禹思天下有溺由已溺之也稷 無思的道理為這箇無為的道理耳至于已餓思食已 熟真心愈喪

大足日草(A)

少难集

是化化只是守到純熟相忘處非越過守別求化也守 問守與化曰守之又守以至于化便是化如既得後便 與化功夫雖有生熟之別却不是判然兩條路或者又 須放開不然却只是守如此是化可為也自以為得便 金分四個有書 云既得後不可放開太早不知只一放開便不是說 右三十八章 遲早孔子七十而從心所欲不踰矩文王之所以為 放開便是半途而廢便是功虧一簣便不 太

使足四車全書 蘭亭只是義之把一生精神都着在字上一息不曾放 只說放開便是無所得譬之古人寫字雖寫到縱橫變 言 化無所不妙處只是熟了其實不是放開義之醉後寫 只是越過守浮慕化所以敢于放開卒至于流弊不可 王說我得矣便放開便是已其何以為聖人後世學者 文也純亦不已若孔子說我得矣便放開便是踰矩文 右三十九章 少爐集

丰二

論學當先辨宗宗古明白功夫才能不差仙家自有仙 家宗古佛氏自有佛氏宗古與吾儒宗古全不相干只 大而化之之謂聖聖而不可知之謂神越過大字說不 得化越過聖字說不得不可知 得處知此則聖學可知 開所以入于神化而不自知此正見義之于字學有所 右四十一章 右四十章 卷一

達吾儒下學佛氏得上一截少下一截功夫如此是夫 方能至也可乎脩而不悟豈曰真脩十五志學七十 子下學儒而上達佛也是佛反出其上而夫子由下學 **脩歸儒以明心見性歸佛以經世宰物歸儒諸如此類** 混而為一遂令人難以分辨母論信佛者即吾儒中闢 名為闢佛適以尊佛名為崇儒適以小儒何也佛氏上 佛者亦多以上達歸佛以下學歸儒以頓悟歸佛以漸 是後世高明之士講學不精見理不透誤混而為一

火足可見 心野

少墟集

三十四

尊佛崇儒而適以小儒也不知佛氏之失正在論心論 諸心知所往然後力行以求至非吾儒之言乎令以上 蛋与四月石書 性處與吾儒異不專在舍經世军物而言心性正在 脩之說也經世宰物而不出于心性安所稱王道先明 居其精而吾儒居其粗也有是理哉故曰闢佛而適以 而識之非悟乎誠則明矣明則誠矣此亦吾儒頓悟漸 以悟以心性歸佛氏以下以脩以事物歸吾儒是佛氏 心漸也以十五而即知志學非順乎學而不厭脩也點 长

學舍漸脩舍經世宰物若曰達無所達悟無所悟無無 悟所達處與吾儒異不專在舍漸脩而言順悟舍下學 學與脩哉而又何經世宰物之與有故學者崇儒關佛 **吾儒不同义何論舍不舍也又况宗音一異豈止舍下** 舍也况宗吉一異即用下學漸脩經世宰物之功亦與 **異所以彼法中原無用此下學漸脩經世宰物之功非** 而言上達也惟其論心論性所悟所達處宗青與吾儒 亦無無明盡即上達頓悟明心見性亦欲舍之矣况

大臣日里 台町

少城集

Ŧ

當先辨宗若宗旨不明而徒曉曉于枝葉之間吾恐其 物 或者以上以悟以心性歸佛以下以修以事物歸儒 佛而適以尊佛崇儒而適以小儒無論矣儻有人馬出 說愈長而其散愈不可解也 生クロル 而 吾儒曰心彼亦曰心吾儒曰性彼亦曰性道理本 洞佛氏之一偏見吾道之大全舉頓悟漸修心性事 右四十二章 以貫之可謂千古一快矣而又或過于張皇以 ノニコード 7 卷 闢

闢佛而反混佛于儒蹈三教歸一之弊豈不左哉且儒佛 欠精反操戈于吾儒雖名世大儒不能自解免也是其 既混于是談儒者稍求精更誤入于佛氏闢佛者稍 吾道之範圍也不知吾儒既曰可以兼二氏二氏亦 可以兼吾儒彼此相兼是混三教而一之也欲以崇儒 儒可以兼二氏吾道至大二氏之學雖甚高遠總不出 但華言梵語異耳且偏處二氏不能兼吾儒而全處吾 禍者一 儒佛既混又于是祗儒者摘一二誤入佛

とこうる ハトラ

少城集

ミナガ

識也是其貽禍者二向使佛自佛儒自儒不混而為 之語以為非毁攻擊之話柄談佛者借一二吾儒精 而 且吾道本大何必無二氏 而後見其大若必待無二氏 抵儒者何所借以肆其毀談佛者何所借以行其私哉 刖 後見其大則又安所稱大耶况吾儒正道也異端邪 談儒者安得誤入于佛氏關佛者安肯操戈于吾儒 犯固不能無正正豈可以無 犯若正可以無犯 以為惑世誣民之嘴矢雖大姦巨惡亦難以處 測 微

金月正月 白言

火之可見 とます! 儒者言也若三教日月星之說蓋信佛而非儒者之言 自限哉斯言也蓋為崇儒而混佛者辨非為信佛而非 **典夫彼先自異也吾又安得強而同之而曰不以籓籬** 限藩籬不知吾道雖大而彼之論心論性宗肯原與吾 小儒也又豈不左哉或曰吾道至人何所不容豈宜自 惡在其為正耶如此是關佛而亦以尊佛崇儒而亦以 人皆知其非無庸辨矣 右四十三章 少墟集

吾儒之學以理為宗佛氏之學以了生死為宗如人生 **聞見不可言說不可思議只在當下一覺一覺便了更** 出離生死見性成佛者此也其悟入處不由積累不出 則能知覺運動死則血肉之驅還在便不能知覺運動 有何事雖中間說得干變萬化其實宗旨只是如是原 可見人之生死生死的是血肉之驅這能知覺運動的 不磨者此也悟得這箇便是超悟便知無死無生所謂 點靈明真性原本皆生本當死所謂本來面目萬初

在 戶四月 全是

灰三日屋 白書 知覺運動的這箇言雖說出離生死其實全落在生死了 之謂性之性吾所云性乃義理之性性善之性彼所云 他氣質情欲作用耳可見彼所云性乃氣質之性生 說不論道理不論工夫只是空空的任這一點靈明隨 儒以理言非專以能知覺運動的這箇言佛氏惟以能 者心之生理吾儒所謂性亦不由積累不由聞見但吾 來他別是一 點靈明指人心人欲說與吾儒所云一點靈明所 般話說與吾儒論心性處全不相干蓋性 少墟焦 テナハ

箇宗吉別是一條超然直路與教不相關由教而入者 氣便是人欲天理人欲之辨乃儒佛心性之分此宗旨 乘人又為空縛為法縛其心不得自在惟大乘人免此 便有階級若謂一為教法所縛一落階級便無由超悟 處不可不辨也蓋彼法中原有宗門有教門宗即是這 艮知指道心天理說全然不同雖理不離氣而舍理言 縛謂之解脱身心俱自在得出世之樂又最上 **四世間俗士為名利縛為嗜欲縛其則不得自在**

金分四月月音

次ピ四国を書 云這箇真性原只是氣質情欲作用原不論道理安得 即自號口我能空其空豈可得耶所以然者蓋由彼所 為嗜欲縛彼以為欲障固是至為空縛為法縛彼又以 由見聞思議之類言至此便誤人不小矣且為名利縛 妙不知一空其理欲将自縱一 欲而併欲空其理空其理而併欲空其空說的恰似玄 有無不立脱縛雙遣當下便是即向所謂見性成佛 理障而惟有無不立脱縛雙遣後為最上一乘空其 少城集 縱其欲何所成止如此

喜怒哀樂之未發謂之中是直指天命之性而言也曰 煩吾儒之雕縷也 佛氏差處全在宗青宗吉一差無所不差故曰不可不 而無限防任馬奔逸而無街轡安得不自惧而誤人哉 不以理為障原不用功夫安得不以教為縛任水泛濫 辨也若夫髡髮出家棄倫遺世雖庸愚亦知其非故不 發是無其迹而非無其理故曰天下之大本所謂 右四十四章

生がしたとうで

次已日 在一 覺故能知覺目雖能親而所以能親的真空之性原不 是空的目惟無覩故能覩耳惟無聞故能聞心惟無知 本空之記則似之以為這一點靈明作用的性本來原 與未發之中相似而不知其實大有不同者吾儒曰未 不可得而知不可得而覺故口覺性本空不生不減若 得而聞心雖能知覺而所以能知能覺的真空之性原 理 可得而親耳雖能聞而所以能聞的真空之性原不可 渾然萬化從此出焉者此吾儒之說也而佛氏覺性 少姓集

P

所 無覩 發則目雖無親而天命真覩之理已具無親故能親 有 無聞故能聞以無聞而有聞之理也心雖無知覺而 ·聰而所以能聰的真聞之理亦不可得而聞知覺以 以能明的真覩之理亦不可得而親聞以天下而 知覺之理也即發而皆中節親以天 真知真覺之理已具無知覺故能 而無不睿知而所以能睿能知的真知真覺之理 而有親之理也耳雖無聞而天命真聞之理已具 知覺以無知覺 下而無不明 無 而

在分世后

白書

K

大三日日上上古 · 少班集 夫不容已的事業喜怒哀樂自然中節天地萬物自然 都只是率性之道耳吾儒所謂未發全在理上說所以 道理自天命之初已備就是後來多少功夫多少事業 為大本和為達道中和致而天地萬物可位育也種種 中不為無已發之和不為有未發已發渾然一理故中 沖漠無联即萬象森羅萬象森羅亦沖漠無联未發之 亦不可得而知不可得而覺故曰上天之載無聲無臭 切作用都是在理字上作用去所以有不容已的功

差毫釐作用處便該千里如此又何論流弊哉 空指的是欲之根吾儒未發指的是理之根根宗處止 是氣質之性所謂真空空的是道心義理之性只是他 事業喜怒哀樂全不中節天地萬物全不相干佛氏真 在欲字上作用去所以着不得一毫功夫做不得一 體佛氏所謂真空不在理上說所以一切作用都是 氏所謂直指人心指的是人心所謂見性成佛見的 右四十五章 麈

延りしたる言

卷一

吾儒論性以心之生理言佛氏論性不以心之生理言 議論閃爍變幻不肯明白說破所以易于感人耳 右四十六章

無心 右四十七章

佛氏說空說無若示人以可攻之隙却又說空而不無

次已日見とよう

少姓集

早二

舍心言性舍理言心故口離

一切心 即汝真性又曰心

生性滅心滅性現所以不得不說無念所以不得不說

妙有有的是人欲之作用諱空而說真空諱無而說妙 其理佛氏所謂有是有其欲真空空的是天理之本然 無而未當不有有而未始不無益相似不知吾儒所謂 非真空矣說的與吾儒未發之中中也者天下之大本 有プロルる言 無是無其迹佛氏所謂無是無其理吾儒所謂有是有 即成妙有用而不有即是真空若一着于空便是碩空 不知愈有反愈遠愈妙反愈差 右四十八章 赵

或口性只是一箇性那裏又是兩箇以義理氣質分儒 氣質乃所以載此理豈舍氣質而于別處討義理哉性 佛余曰人得天地之理以為生此所謂義理之性也而 真空之性亦說本來無物而實不礙諸物但吾儒上物 吾儒論天命之性說一物不容而實萬物咸備佛氏論 知 字指欲下物字指理佛氏上物字指理下物字指欲耳 右四十九章 此則凡與吾儒相似之言俱可不辨而決矣

助定四車全書

少姚集

四十三

之謂性之性耶今欲一之于生之謂性而不一之于性 氣質之性君子有弗性馬此關佛之說也且子既知性 **提而無算也性豈有二馬孟子道性善故曰夫道一** 善此三品之説所由起也是子自二之三之以至于倍 只是一箇性何不一之于性善之性而獨欲一之于生 原只是一箇但言義理則該氣質言氣質則遺理故曰 已矣此吾儒之旨也

家調息運氣煉丹養神縱下苦功亦何與吾儒事 客有以順悟關佛氏者或解之曰佛家亦有順漸二法 異功夫自殊即面壁百年亦難與吾儒並論也譬如仙 勤施積行功果圓滿方能了得心性若明心見性之後 不講孔孟之學不在理字上用功縱閱窮載籍坐老蒲 不知吾儒自有吾儒功夫佛氏自有佛氏功夫宗古既 不加苦行何以成佛達磨面壁九年前此功夫可知也 右五十一章

次已回目之时

少墟集

品

在少口是人言 **凰依舊是箇俗人** 右五十二章 卷

問佛氏千言萬語只要抹搬理字回護欲字何也曰然

吾儒說去欲他却說欲是去不得的吾儒說存理他却

說理是不消存的甚且併天理人欲四字都要抹搬中 問雖說欲障其實是說理障的客語畢竟要回護這箇

欲字病痛全在誤認生之謂性一句知覺運動是氣是

欲而知覺運動之恰好處是理佛氏原認欲字為性不

字全實指本體說安得混而為一况明德與仁俱是理 明德欲仁得仁欲字半虚半實指功夫説人欲之欲欲 彼欲抹搬理而卒不能抹欲回護欲而卒不能護于是 てこう こここ 又展轉其說以求勝而曰欲明明徳于天下欲仁而得 併此四字俱欲抹揪也且理欲之辨古聖賢言之甚詳 理人 **曽論理安得不抹搬理字回護欲字且使人人都講** -欲何可無向所云云將以求吾所大欲也不知欲 入欲四字明白便人人都勘破他的病痛又安得 少墟集 罕五 11

動定四母全書 問天理人欲原分別不得假仁假義天理即是人欲公 貨公色人欲即是天理其說然否曰不然既天理即是 流禍不可言也且大地問理字原是抹椴不得的欲字 周子尚且不能寡不能無今曰欲不可去吾懼其欲之 欲 原是回護不得的彼佛氏干言萬語徒以自誤耳 日欲不可去也學者雖終日講家欲如孟子講無欲如 明明徳欲仁俱是在理上用功安得借口說是欲而 右五十三章

問 也 陰為縱欲滅理之言不可不察也 如此分別益覺明析而反曰天理人欲原分別不得此 欲便是人欲既人欲即是天理便是天理如何說 何如曰此感于佛氏之說也視聽言動是氣不是理 右五十四章 理貨色原是人欲公貨公色便是天理便不是人 不得且仁義原是天理假仁假義便是人欲便不是 仁者人也目能視耳能聽口能言身能動人也即 公欲

こくこし マニー・

少嘘集

四十六一

論禮不禮勿不勿而惟以視聽言動為仁是直把氣質 是大子教顏子為仁高不驚之遠卑不墮情欲處若不 為仁也非禮勿視非禮勿聽非禮勿言非禮勿動此正 作義理名雖為玄遠實則墮情欲矣自古學佛者多恣 耳目口體故口仁者人也非便以能視能聽能言能動 目 如何說是仁視聽言動之自然恰好合禮處才是仁耳 U 天性理不離氣天性不離形色視聽言動之禮不離 體為形視聽言動為色視聽言動之自然恰好處

到定四库全書

卷

情縱欲無所底止非獨學者之過亦其始教之差誤? 右五十五章

告 , 謂佛氏得吾儒之體只是無用又謂學佛有得王

正在不得吾儒之體正在誤認形而下者為形而上者

端循端仍發端之端源頭處一差所以後來流弊無窮

其端云者謂其發端處與吾儒異也若不窮究其發端

改定当車全結一人

少墟集

当十七

形而上者而但不可以治世不知佛氏所以為異端者

也

也安得與吾儒之母意必固我並論 固我若佛氏之無相無念是併天理徳性而一切俱無 以為然者也徒滋聚訟終難伏辜 應感純是徳性用事心體乾乾淨淨那裏有一毫意必 前念無後念何以別曰聖人之心渾然一團天理凡有 而徒辨別其流樂彼將口其所以破佛者乃佛書自不 孔子母意母心母固母我與佛氏無人相無我相無 右五十六章 X 不謂之孔子用母字工夫造絕字地位故曰下學而上 說工夫實落處言絕而不言母是言上達而不言下學 不謂之孔子言母而不言絕是言下學而不言上達亦 母固母我何也曰此二字正見聖學所以為妙絕者絕 說子母四母意母必母固母我而曰子絕四母意母必 問子絕四何不說子絕四絕意絕必絕固絕我又何不 無之詞母者禁止之詞絕字是說工夫究竟處母字是 右五十七章

Proting was

少堆集

常存而人心之所以不死也吾儒之所謂生指生理生 達此孔子之學所以異于人而知于天也解絕字為無 生天地以生物為心而人得之以為心此天理之所以 字可解毋字為無字不可 在 为 正 但 人 言 性者心之生理生之一字乃吾儒論心論性之原故曰 字而言論理不論氣告子之所謂生指生死生字而言 天地之大徳口生又口生生之謂易乾則大生坤則 右五十八章

為障也異端之所謂理誤指物而言吾儒之所謂理正 指不容一物者而言耳 問人心至虚不容一物理在何處安得不說理障曰人 心至虚不容一物處就是理安得說理在何處而以理 論氣不論理此生之謂性之說所以開異學之端也吾 儒言生佛氏亦言生茍不明辨其所以生則儒佛混矣 論氣不論理謂理離于氣不是謂氣即為理尤不是惟 右五十九章 少爐集 四十九

或問如何是理曰即所謂怵惕惻隱之心是也 得 謂之欲故謂心之本體容不得一毫欲則可謂容不得 惻隱之心此時固容不得一毫殘忍刻薄之念亦容不 人心之初惟有此理故乍見孺子將入于井皆有休惕 **亳理則不可盖人心之初惟有此理豈可說容不得** 右六十章 右六十一章 一毫納文要譽之念殘忍刻薄納交要譽雖不同同

從而附和之何也理之一字乃天地間自然那移不得 障也又安得復歸谷于理哉認欲為理而復歸谷于理 理障二字固是佛氏差處吾儒不能闢之已不是或又 誤矣余敢以此為理字雪千載不白之宽 迷其本原是亦謂之欲也既謂之欲余方病其為理之 盖詩文翰墨雖與聲色貨利之欲不同然溺志于此而 思索文字忘其寢食禪家謂之理障余少年正坐此病 右六十二章

灰色四草白

少爐集

7

異端哉 減也減不去吾儒要添也添不來只是吾儒指點出這 問佛氏于性字上添一真字何也曰這箇真字極有說 箇字如呼寐者而使之寤耳原非專為闢佛而創出此 附和其說者特察理不精之過亦豈有心從彼而甘于 字也且謂之曰理自是無障謂之曰障還不是理可 的道理正程伯子所謂不以堯存不以禁云者佛氏要 右六十三章

なだとして るする

赵

翼之故至今深入膏肓而不可救藥 悲夫 是偽今既以知覺運動為真以仁義禮智為偽安得 是偽不待言矣不知知覺運動固是真仁義禮智亦不 若口這**箇知覺運動的性是真則那箇仁義禮智的性** 夫子與自點與其素位而樂天非與其放縱而恣肆 以存誠持敬為偽也世俗方坐此病而佛氏又從而羽 以圓融廣大為真以規矩準繩為偽以恣情縱欲為真 右六十四章

にんこうこくにう

H

少爐集

至

陽明先生口君子無人而不自得正以其無入而非學 言曰自有吾儒樂人多不肯尋以禪為樂事又起一 主于是托之春風沂水之樂以賜其放縱心肆之病至 座 人情方喜放縱而惡檢束而况又以佛氏先入之言為 也說得極是若不言學而惟言自得是不深造之以道 于很狽決裂蓋亦不少也豈不惜哉善乎康節先生之 右六十五章 重

弘廷匹母全書

赵

莊之教盛行人人皆錯認了道理誤以放言肆行茂意 其非而故蹈之也又問彼獨無良知與曰良知自在只 為嬌為偽為有心為沽名所以流蕩忘反至此非明知 禮法為真為萬為無心為自然以謹言慎行顧惜名節 問晉室諸賢皆一代萬才何不知自愛至此曰當時老 而欲其自得之也必不得矣舍學求樂舍深造以道求 自得此佛老所以誤晉室之諸賢也 右六十六章

12 C. 17 1991 / - F. C.

少爐集

五十二

世之砥節礪行循規蹈矩而不聞道者誠有之未有真 多好四库全書 不是 能聞道而遂不砥節礪行循規蹈矩者也執節行規矩 世俗論真在不拘禮法異端論性在絕仁葉義而于 因一念錯認了道理遂大迷終身不悟耳 而縣以為聞道固不是外節行規矩而別求箇間道力 右六十七章 右六十八章 本

次足口軍在皆 步一趨一言一動細微曲折衆人容易忽略處都是 惟說禮且說動容周旋中禮不惟在大節上要緊雖 生者經德不回非以干禄言語必信非以正行何也不 之處却云動容周旋中禮者盛德之至哭死而哀非為 後世迂儒設不為自古大聖人設不知孟子論堯舜 學知的聖人只拘拘在禮法上又恰似禮之一字專為 的大聖人把一切禮法都丢過任意自家縱橫必不似 字拾擊尤甚如此病痛牢不可破恰似自古生 少墟集 4=

賢所以重道德者非薄事功而甘迂潤也以道德為 喜事功而厭道他樂寬大而惡檢來人之常情不知聖 然不茍的如此難道說他不是自然性之的聖人可見 吾儒論真論性與世俗論真異端論性絕不相同人 奈何以禮為偽為迂以不拘禮法為真為自然哉知此 可以祛世俗之障可以破其端之說 乃真事功也所以重檢東者非惡寬大而甘桎梏 右六十九章

在了一旦 人名言

K

禮犯法併寬大亦不可得矣于此見聖賢之見遠而世 以檢束為寬大乃真寬大也不然厭道德而喜事功則 哀樂便是不中節我喜而人皆以為可喜我怒而人皆 為可喜我怒而人不以為可怒我哀樂而人不以為可 問喜怒哀樂如何見得中節不中節曰我喜而人不以 人之計左也 枉尋直尺併事功亦不能成矣惡檢束而樂寬大則越 右七十章

欠の可見とかう

少爐集

五十四

之中口若不解作中也者天下之大本也則吾儒之未 至 厅四月 有言 的註解解的何等明白又問何以天下之大本解未發 以為可怒我哀樂而人皆以為可哀樂便是中節故曰 氣其好惡與人相近也者幾布可見好惡與人相近便 問夜氣之存不存何處驗得曰其日夜之所息平旦之 發亦異端之無無亦無矣 和也者天下之達道也這句就是發而皆中節謂之和 右七十一章

欽定四庫全書 子之旨 的孟子夜氣之說不是幽深玄遠的話說乃天德王道 好人之所惡惡人之所好是惜之及覆夜氣不足以存 能愛人能惡人是斧斤不曾伐的見賢而不能舉舉而 是喜怒哀樂中節便是夜氣存好惡與人相遠便是喜 不能先見不賢而不能退退而不能逐是旦畫告亡的 怒哀樂不中節便是夜氣不存極容易驗大學唯仁人 貫之學也若丢過好惡只講幾布便落玄虚便非孟 少堆集

聖賢論心不外綱常倫理出處辭受動静語點于此件 操便是道心操而復舍便是人心玩二則字真是出人 解人心道心惟危惟微曲盡其妙真所謂聖人之言也 無時莫知其鄉故曰人心惟危道心惟微僅僅十四字 那有兩箇操則存便是道心舍則亡便是人心舍而復 問惟心之謂與指的是人心是道心曰心只是一箇心 右七十三章 右七十二章

其管也世豈有此理且不知有心學者無論幸而知有 問自古有學儒而其人非者有學佛而其人是者何也 不知心學果何時可明也 此用力處亦在此若世俗論心反于放言肆行的人說 心學而又外綱常倫理出處辭受動靜語點以求心吾 心地好心上真正佛氏所謂直取無上菩提一切是非 件透徹步步踏實才見真心才是真正學問得力處在 右七十四章

次足四草化的

少姓集

五十六

時誤為所感遂叛儒習佛始自遠于吾儒耳非生來性 都是儒号當分某為儒某為佛哉但後來擇術不精 孟子曰性善又曰人皆可以為堯舜可見天生蒸民原 矶 而其人是者是其人是也非學佛之效也背人有誤服 五穀反死人哉知此可以定儒佛之辨矣 口學儒而其人非是其人非也非學儒之過也有學佛 巴而生者亦有傷食五穀而死者豈砒巴能生人 右七十五章 第七十六章七十七章 闕 而

生プロル人

巻

其旨深矣 惡而不可為儒為堯舜也孔子曰性相近也習相遠也

右七十八章

世之論善惡禍福報應皆歸之佛氏此大不然積善之 家必有餘慶積不善之家必有餘殃作善降之百祥作 不善降之百殃惠迪吉從逆凶非吾儒之言耶羿善射

奡盪舟皆不得其死然禹稷躬稼而有天下又指其人 以實之矣至于史傳所載尤為章明較著蓋善惡禍福

沙足四草公告 一

少墟集

足道而或者乃以天地間如此實理實事反歸之佛豈 其實有此理實有此事也彼佛氏之說惟誕不經誠不 報應昭昭不爽此自是天地間實理實事原非幻妄原 栽培傾復正是體物不遺處此所以中庸思神章後即 非渺冥故口夫微之顯誠之不可揜如此夫曰誠者言 未聞吾儒餘慶餘殃之說耶語云一念而善景星慶雲 念而惡妖氛厲鬼嗚呼嚴矣 石七十九章 巷

在プロ尼ろう

次足四軍人 他又是偽又不是誠如何能感召天地故曰居易以俟 應輒以為天地間無善惡報應之事不知一為報而脩 言報應大徳受命天地何心鬼神何心人亦何心只是 十六傳而子孫始有天下稷即大徳難道以其身强與 論其心且如禹稷躬禄而有天下禹既以身報矣稷至 命必居易以俟命而無一達望報之心才謂之誠才謂 之德才能受命大徳必受命是論其理居易以俟命是 理之自然感召耳而或者朝脩徳而夕望報一或不 少姓集

者也 為證又可見不慎獨不可以質鬼神程子曰有天徳便 造化爭只得居易以俟可見君子居易以俟命正是道 不愧于屋漏神之格思不可度思矧可射思兩引之以 子思前說鬼神之為徳也其盛矣乎後便說質諸鬼神 理合當如此彼不務安命而行險以徼幸真小人而愚 而無疑可見不質鬼神不可以言學詩云相在顧室尚 右八十章

每月日月月

夫學一也有異端之學有越俎之學有操戈之學何謂 可語王道其要只在謹獨嗚呼盡之矣 右八十一章

不辨何謂越俎之學吾儒講學所以明道也講問惟當 餘力乃巧于非學之尤者而講學者多誤信之故不可 異端之學佛老是也而佛氏為甚二氏非毀吾儒不遺

泛論道理如孔子論明德新民子思論天命率性孟子論 夜氣性善皆是泛論何當着跡譬如白日當天在在皆

灭巴马巨 台雪一人

少城集

學當以孔子為宗而周程張朱皆不足法即此一念去 金牙口眉子言 學千里矣以問程張朱為非以孔子為是是孔子特不 謂操戈之學吾儒學問當以孔子為宗而顏曾思孟周 事當講學以論人當講學也不幾于越俎而失體哉何 某人而照某人某人而雨也無論居官居鄉當講學日 程張朱皆誦法孔子後學所由以津梁洙泗者也若曰 不得議及他事論及他人方得講學家法不然是以議 其所臨照時雨雪足處處皆其所潤澤非專為某人

敢非耳若孔子可非則亦非之矣非宋儒而宗孔子亦 闢也而以闢異端者闢宋儒則為操戈此尤人情之異 毀之不已也又何以為宗孔子即世之非學者方且非 子自任也以孔子為宗則可以孔子自任則不可即此 非真宗孔子者也且非宋儒而獨宗孔子是其心以孔 異端可駁也而以駁異端者駁時事則為越俎異端可 毀宋儒而我又從而附和之不幾于操戈而入室哉蓋 念去學萬里矣况此心一慣其勢不至併孔子而非

火足口巨人

少城集

卒

金罗里是石書 戒之馮從吾又書 學者借為口實其所關係不小異端之病余于碌中已 學不可不辨也明辨之先于為行也孔門之正宗也故 詳辨而越俎操戈之病則未之及也因書此與同志共 即躬行講學毅然以聖道自任者多坐此病而反今非 **流學術之隱病不可不亟辨者也嗚呼不講學者無論 早之而功利也易辨也惟髙之而寂空也難辨也何者** 夫謂之學以學道也然道一而已矣而學則多岐馬故

商正之遂留余精舍中頗久日為辨難每至夜分喜而 志于學中間亦為異教所弱者數年近始悟而反之乃 忘倦其髙足弟子亦鱗鱗共集話也余稍發其端少墟 知吾道至足亦至精也歲乙巳至長安訪少墟馮兄而 之燭鬚眉不爽也此非深于道者乎則其開我之迷而 則大闡其臨辨虚實有無邪正幾微之介昭然如明鑑 而不清非深于聖道者不能析其弊而歸之正余少有 此性命彼亦性命此生死彼亦生死混之而無別淆之

火色日草之

少城集

六十二

